



Մ Ա Յ Ր Ա Թ Ո Ռ Ո Ւ Մ

Մարտի 2-ին, երեքշաբթի.—Այսօր Մայր Աթոռ է ժամանում Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Սերովբե արքեպ. Մանուկյանը: Հանուն Վեհափառ Հայրապետի Մայր տաճարի լուսարարապետ տ. Հաչկազուն արքեպ. Աբրահամյանը օղանավակայանում դիմավորում է տ. Սերովբե արքեպիսկոպոսին, որը Մայր տաճարում իր աղոթքն ու ուխտը կատարելուց հետո, Վեհարանում ընդունվում է Վեհափառ Հայրապետի կողմից:

*
* *

Մարտի 3-ին, չորեքշաբթի.—Մայր տաճարում, առավոտյան ժամերգությունից հետո, կատարվում է «Արևազալ»-ի հանդիսավոր ժամերգություն, որին ներկա է լինում Վեհափառ Հայրապետը:

Երեկոյան ժամը 20.30-ին Վեհափառ Հայրապետը բարեհաճում է Վեհարանում՝ Իր մոտ հրավիրել Մայր Աթոռի միաբանությանն ու սարկավագներին, որոնք հանդիպում են ունենում ուխտավորաբար Մայր Աթոռում գտնվող տ. Սերովբե արքեպիսկոպոսի հետ, որը ներկաներին խոսում է ֆրանսահայ ազգային-եկեղեցական կյանքի և մասնավորաբար վերջերս Փարիզի «Լուվր»-ի թանգարանում բացված «Հայ մշակույթը Ուրարտուից մինչև մեր օրերը» ցուցահանդեսի ստեղծած մեծ հետաքրքրության մասին:

«Լուվր»-ում բացված հայ մշակույթին նըվիրված ցուցահանդեսում մեծ կարևորությամբ ներկայացված են նաև եկեղեցական արվեստի շուրջ 15 ցուցանմուշներ՝ մատուցներ, ձեռագրեր, հայ ոսկերչական արվեստի ընտիր նմուշներ, որոնք ուղարկված են եղել Մայր Աթոռից և Երուսաղեմի հայոց պատրիարքարանից, Վեհափառ Հայրապետի հանձնարարությամբ:

Ցուցահանդեսում մասնավոր ուշադրության և հետաքրքրության առարկա են դարձել հայ մշակույթի ցուցադրված այլ արժեքավոր ցուցահանդեսների կարգին նաև հայ եկեղեցական արվեստի այս նմուշները:

Հանդիպման վերջում Վեհափառ Հայրապետը Իր գոհունակությունն ու շնորհակալությունն է հայտնում տ. Սերովբե արքեպիսկոպոսին՝ այս շահեկան հանդիպման և գրույցի համար:

*
* *

Մարտի 5-ին, ուրբաթ.—Այսօր, երեկոյան ժամը 17-ին, Վեհարանում, Վեհափառ Հայրապետի բարձր նախագահությամբ, գումարվում է Գերագույն հոգևոր խորհրդի հերթական նիստը, որին ներկա է լինում նաև տ. Սերովբե արքեպ. Մանուկյանը, որը ժողովում գեկուցում է ֆրանսահայ թեմի ազգային-եկեղեցական կյանքի և ինչպես նաև Արևմտյան Գերմանիայի հայաշատ քաղաքներում հայ կրոնական համայնքների կազմակերպման անհրաժեշտության մասին:

Մարտի 7-ին, կիրակի.—Գ կիրակի քա-
նասնորդական պահոց (Անառակին)։

Այսօր Մայր տաճարում և պատարագ է
մատուցում տ. Մկրտիչ ավագ քին. Մկր-
տըչյանը: «Հայր մեր»-ից սուաջ քարոզում
է տ. Օշին վրդ. Նիկոլյանը՝ «Հայր մերայ
յերկինս և սուաջի քո» բնաբանով:

Ս. պատարագին ներկա էր Վեհափառ
Հայրապետը:

Մարտի 9-ին, երեքշաբթի.—Այսօր, Վե-
հափառ Հայրապետի հրավերով, Մայր Ա-
թոռ է ժամանում Վիեննայի հայոց հոգևոր
հովիվ տ. Մեսրոպ ծ. վրդ. Գրիգորյանը:
Մայր տաճարում, Իջման և սեղանի առջև,
իր ուխտն ու աղոթքը կատարելուց հետո,
տ. Մեսրոպ ծ. վարդապետը ներկայանում
է Վեհափառ Հայրապետին՝ ստանալու Նրա
օրհնությունը:

Մարտի 12-ին, ուրբաթ.—Այսօր Վեհա-
փառ Հայրապետից հրաժեշտ է առնում տ.
Սերովբե արքեպ. Մանուկյանը և վերադառ-
նում իր թեմը:

Երևանի օրանավակայանում տ. Սերովբե
արքեպիսկոպոսին ճանապարհում է, հա-
նուն Վեհափառ Հայրապետի, Մայր տա-
ճարի լուսարարապետ տ. Հայկազուն ար-
քեպ. Աբրահամյանը:

Մարտի 14-ին, կիրակի.—Դ կիրակի քա-
նասնորդական պահոց (Տնտեսին)։

Այսօր Մայր տաճարում և պատարագ է
մատուցում տ. Մկրտիչ ավագ քին. Մկր-
տըչյանը: Հավարտ և պատարագի Վեհա-
փառ Հայրապետը քարոզում է Տնտեսի ա-
ռակի հոգևոր և քարոջական նշանակության
մասին՝ հավատացյալի կյանքի և գործու-
նեության մեջ:

Այնուհետև Վեհափառ Հայրապետը հու-
զիչ դամբանական է խոսում մարտի 7-ին
Սոֆիայում մահացած բուլղար օրթոդոքս
եկեղեցու պետ Նորին Սրբություն Ս. Կիրիլ
Պատրիարքի կյանքի և մեծ գործունեության
մասին, հանգուցյալին ներկայացնելով որ-
պես բարի ու քաջ մեկ հովիվը Քրիստոսի
եկեղեցու, քաջահմուտ եկեղեցական պատ-
մաբան և հայ եկեղեցու ու հայ ժողովրդի
մեծ ու անկեղծ բարեկամ:

Դամբանականից հետո, Վեհափառ Հայ-
րապետի նախագահությամբ, կատարվում
է հոգեհանգիստ Ս. Կիրիլ Սրբազան Պատ-
րիարքի հոգվի խաղաղության և հիշատակի:

Մարտի 21-ին, կիրակի.—Ե կիրակի քա-
նասնորդական պահոց (Դատատրին)։

Մայր տաճարում և պատարագ է մատու-
ցում տ. Նշան քին. Բելլերյանը: «Հայր
մեր»-ից սուաջ քարոզում է ուխտավորա-
բար Մայր Աթոռում գտնվող Մխիթարյան
միաբան տ. Հարություն վրդ. Պզտիկյանը՝
«Անիրա դատատր» սուակի մասին:

Ս. պատարագին ներկա էր Վեհափառ
Հայրապետը:

Մարտի 22-ին, երկուշաբթի.—Այսօր
Մայր Աթոռի միաբան տ. Տարոն վրդ. Ճե-
րեճյանը, որը ուխտավորաբար գտնվում էր
Մայր Աթոռում շուրջ երկու ամիս, Վեհափառ
Հայրապետի օրհնությունը ստանալով մեկ-
նում է իր նոր պաշտոնատեղին՝ Մարսել:

Մարտի 23-ին, երեքշաբթի.—Այսօր, ա-
ռավոտյան ժամը 12-ին, Վեհարանում Հա-
յոց Հայրապետին է այցելում՝ ՍՍՀՄ-ում
ԱՄՆ-ի արտակարգ ու լիազոր դեսպան
պրն. Ջեկոբ Բիմը, որը այցելությամբ գրտ-
նըվում էր Հայաստանում, իր հարգելի տիկ-
նոջ և դեսպանատան երկրորդ քարտուղար
Մարտին Ուենիքի հետ:

Հայոց Հայրապետի և մեծահարգ պրն.
դեսպանի միջև տեղի է ունենում զրույց՝
չերմ մթնոլորտում:

Մարտի 27-ին, շաբաթ.—Տօն է սրբուն
Գրիգորի Լուսատրչին մերոյ սուկայի չար-
չարանացն և մտին ի վիրապն:

Այսօր փակ է հոգևոր ճեմարանը մեծ
տոնի առիթով:

Մայր տաճարում և պատարագ է մատու-
ցում տ. Հովհաննես քին. Մարուքյանը:

Մարտի 28-ին, կիրակի.—Զ կիրակի քա-
նասնորդական պահոց (Գալստեան)։

Այսօր Մայր տաճարում և պատարագ է
մատուցում տ. Մկրտիչ ավագ քին. Մկր-
տըչյանը և քարոզում տ. Գևորգ վրդ. Սե-
րապիարյանը՝ «Որ գխորհուրդ քո գալըստ-
եանդ յառաջագոյն գուշակեցեր» բնաբանով: